

徽志

州府

萬青閣藏板

徽州府志序

新安為江以南一名郡
黃山白岳漸江練溪靈
氣磅礴人材聿興程巴
邱江越公初武功於前
朱紫陽集道統於後發

序

皇事業經緯文章之士
後先輝映余曩備員史
職見明史局中海內人
物傳千七八百人而新
安竟得百數心竊羨之
康熙甲戌適奉

命守茲郡因摳衣拜謁吾恒
夫趙夫子問山川險易
之塗民物登耗之數與
夫俗尚土風正淫奢儉
之序由而因以識守土
者政事所宜急夫子曰

丁序

二

郡向有志具載其詳第
自有明嘉靖以後舊事
缺訛遺文散佚使及今
不修何以信今而傳後
茲得太守為之倡而與
郡人之博識有文筆者

共事補輯則釐然在目
矣余曰夫子邦之文獻
也捷史官也以邦之文
獻修明本郡之志書而
適有門弟子為史官又
適與此邦充輶軒之使

事會符合千載一時斯
地斯人若兩相懸待然
則今日郡乘之修夫子
殆不得釋其任即捷不
敏亦安能辭於珥筆之
勞哉於是夫子徧購邑

乘家譜典故藝文輿致
之京師日與其鄉之公
卿大夫暨貢舉於輦下
之文學士考求講論於
事則採其信者而闕其
疑者於人則傳其可傳

者而逸其不必傳者由
是迄今百餘年間無闕
文斷簡之虞無尠見寡
聞之失紀山川也登民
物也晰土俗而辨人風
也於新安不大有裨益

乎且郡邑之要在圖籍而已圖籍既具于以酌古準今指顧可得庶幾規為盡當以無齟齬於吏治然則余之奉教於夫子亦既多矣昔人稱

序

五

新安地勢斗絕其趾平視天目巔故其山川雄秀而人物俊偉今夫子才識學問事事過人方其治巖邑平劇冠蜚聲郎署振績瑣闡慨然有

身任天下之志及其辭
要津就散秩則卷而懷
之怡然順適惟以筆墨
自隨詩篇送日而此志
之成綱領挈而條目張
益可信夫子著作之才

應其地靈淑之氣非名
山不朽之盛業乎余故
樂綴數語以弁簡首若
夫體裁之善義例之精
具在夫子自序中不敢
復贅云

省

康熙三十四年乙亥冬

日

賜進士出身中憲大夫知江

南徽州府事前

特簡鳳陽府知府翰林院編

丁序

七

修加二級充明史會典
兩館纂修官丙辰會試
分房清書庶吉士受業
門人安邑丁廷捷拜撰



鶴臯趙繼抃書



丁序

八

序
志書之作與國史相為
表裏其大者足以著盛
衰昭得失明章勸而其
末亦不失為士君子叅
稽考鏡之資上自戶口

風俗食貨兵防以下逮
乎瑣聞軼說靡不筆之
於書蓋所為酌古準今
以敷政而宜民者皆將
於是乎取之非苟焉已
也吾新安立郡自漢代

歷唐迄宋僅有圖經而
新安志之作則自宋南
渡後羅鄂州願始爰及
端平李教授以申續之
而新安廣錄廣錄續編
相承遞作元時有後續

志作于洪縣尹焱祖明
初朱禮侍同奉勅為新
安府志景泰成化兩朝
各有增編宏治時汪都
憲舜民彙為徽州府志
嘉靖之季汪副憲尚寧

復脩之迄於今百三十
有三年矣時事代禪人
物互更而典章故寔缺
焉無徵雖吾郡賢大夫
士具遠覽之深識抱作
述之長材者濟上輩出

代不乏人而屢經草創
輒廢然中輟此非其志
之不存力之不逮則以
為其事者之實難而又
或時會之不值與夫歲
月之多未暇也余結髮

愛書即樂聞先民逸事
厥後四十餘載搜攬舊
文訪拾家乘徃々溢于
篋笥甲子夏五奉
命克會典館纂修得觀
國家典籍之富而又竊見有

明一代吾郡先進人物
之盛慨然嘆興以謂幸
一日得退休從容埽里
門當益廣徵博採輯為
一書上接周潭舊志以
傳諸後顧職事鞅掌不

徵召入都甲戌適余及門丁

子駿公以詞臣出守吾郡就余諮鄉邑風土與制治之所宜先余曰為政者當熟悉民情之良悍察風俗之淳漓觀土物之臧否量時運之盈

絀而後政之輕重緩急
之序可得而審而後其
權輕重度緩急而施之
者足以愜一方之人心
而不失其宜今太守幸
惠愛吾民而風土是詢

余荒陋寡聞不足以塞
明問即畢所聞一一為
太守陳之終不若紀諸
書者之詳且核則有郡
乘具存可取而徵也顧
獨恨郡志自前明迄今

久未修輯時移事易恐
未可執舊轍以敷新猷
今太守既以史官來蒞
民社盍悉心諮度余將
繕紙墨從太守後以補
吾郡之闕遺而太守之

所酌諸心達諸政而惠
愛吾民者亦可披覽而
得之矣太守欣然以余
言為然既至郡則檢括
圖籍紀乘簿書之屬若
千冊郵而致之京師而

余在都日與郡縉紳吳
祭酒苑汪太常晉徵程
侍御文彝張編脩瑗黃
比部元治諸同志反覆
參閱刻期修舉幾有成
勞矣而太守旋報罷余

冒然念曩日之因循歷
數十年而未有就乃今
幾成而復置之為深可
惜也勉力編摩自丁丑
春迄己卯冬凡閱三十
有六月而書成為卷者